

司馬承禎 小檔案

司馬承禎，唐代著名道士，字子微，河內溫人（今河南省溫縣），年少時即師事潘師正，得傳符籙及辟穀導引服餌之術，深受潘師正賞識。嘗遍遊名山，乃止於天台山，皇帝聞其名，召至京都，降手勅以讚美之。唐睿宗曾經召見問以陰陽術數之事，其對曰：「道經之旨，為道日損，損之又損，以至於無為，且心目所知見者，每損之尚未能已，豈復攻乎異端而增其智慮哉！」帝曰：「理身無為則清高矣，理國無為如何？」對曰：「國猶身也。老子曰：『遊心於澹，合氣於漠，順物自然而無私焉，而天下理。』」開元九年，玄宗又遣使迎入京，親受法籙，前後賞賜甚厚。承禎頗善篆隸書，玄宗令以三體寫老子經，因刊正文句，定著五千三百八十言為真本以奏上之。一日忽曰：「吾玉霄峯東望蓬萊，有靈真降駕，今為東海小青童君。東華君所召，必須往。」俄頃，化去如蟬脫蛻，弟子葬其衣冠焉，時年八十有九。其弟子表稱是日有雙鶴遶壇及白雲從壇中涌出，上連於天。詔贈銀青光祿大夫，謚正一先生（《舊唐書》云號真一先生）。帝親文其碑，韋渠牟作傳。司馬承禎嘗撰《修真秘旨》、《天地宮府圖》、《坐忘論》、《登真系》、《天隱子》、《服氣精義論》、《修真精義雜論》、……等行於世。

（摘自

1. 【後晉】劉昫 等撰，《舊唐書》，卷一百九十二，列傳第一百四十二，隱逸，司馬承禎，收錄於《景印文淵閣四庫全書》，271 冊，台北：臺灣商務印書館，1986 年，頁 643-644。
2. 【元】趙道一，《歷世真仙體道通鑑》，卷二十五，司馬承禎，收錄於《正統道藏》，第八冊，台北：新文豐出版公司，1977 年，頁 530-532。
3. 《正統道藏》，第八冊、第三十一冊、第三十六冊、第三十八冊，台北：新文豐出版公司，1977 年。）